

點蒼山人詩鈔

點蒼山人詩集卷二

雲南叢書集部之三十五

太和沙 琛獻如著

抵皖乙卯

天柱雲西起東連九子霞長江中澹沲此地足清華
筮仕應隨遇致身初有滄怡情山水窟何必覓丹砂

望天柱山憶春初北上滯雨

客路梅花憶早春舊遊薄宦亦前因炎蒸忽地清涼雨
馬首青山似故人

金陵懷古十二首

一夜西風起建康石頭秋色曉蒼蒼長湖碧樹籠天遠

細雨蘋花接艇香名士難逢邀笛步酒徒誰共落星岡
官程幾日菰蘆畔擁鼻還堪諷詠狂

鑿塹埋金詫昔聞天教漢鼎更東分江風怒發周郎火
重蓋驚飄魏帝雲驃騎英雄終退守赤烏強盛亦紛紛
收來智勇成奇效持比南朝已不羣

河洛翻騰萬里煙衣冠江外盡顛連新亭一灑英雄淚
坐壁重開板蕩天幕府有山猶肅若圍棋却敵竟翛然
烏衣從此風流盛誰溯憂危戰伐年

浮江龍化淚堪漚接踵荒淫直等閑多事東南生王氣
無端金粉汚青山雨花不救臺城涸泣血空留并石斑

萬戶千門歌舞地烟波一片野鷗還

龍虎山城擁帝居南朝往事竟何如千秋未盡繁華興
一轍還尋禪代書際海波濤天作險夾江城壘計非疏
到來攻守難同勢始信過秦論不虛

歌曲風流六代誇興亡緣此亦堪嗟却教渡口天桃葉
翻_入宮中玉樹花狎客宴遊驚戰鼓女官羅綺散飛霞
只今賸有秦淮月絃管蛾眉水榭斜

捐軀周戴凜猶存異代誰同大節敦髻緒竟教傾宋社
玉兒猶不負東昏元湖龍氣移桑海北埭雞聲變野村
莫唱符鳩鳴咽曲石頭哀怨更難論

秀樂花殘瓊樹秋南唐一晌更風流
凌波影亂金蓮散刻襪香來瑣殿幽
不信江山能建業依然天子是無愁
玉笙吹徹清狂甚多事東風又小樓

揮塵清談習未忘紛綸經史亦輝光
虞翻謫後按羅廣雷仲徵來隱道香巖壑
高風明釋遠詩書錦簇竟陵王休咄
八代文章靡瓊麗天教各擅場

史事紛紛紀傳齊偏才閨運儘堪稽
誤人安石誇名字報國夷吾費品題
隱士精靈留瘞鶴水神奇壯忌然犀
滔滔日已江河下東晉多才較勝西

宮錦仙人飲興狂荒亭野館亦芬芳
莫愁畫艇三山遠

小妹青溪九曲香書憶亂鶯春草長歌愁殘月曉風涼
多情奈有瑯琊癖臨水登山繞斷腸

迴朝初定碧琉璃懷古悲移泛酒遲安石未容高枕卧
彥倫終愧北山移天邊樓閣參差見江上雲霞變幻奇
萬里一官心百感那堪情思托香離

過宋郎中朱孝于墓

佛有懺悔法愛苦從所受念彼阿走師寫經血其口佛
以了其愛朱以得其母

天長諸邑士饒真方氏山林同賦桂花

淮南叢桂樹隱士得其幽而我風塵者濯爲此日留樓

開山籟響雨過石潭秋良會如斯少行杖莫計籌

六合憇僧寺

野寺憇勞攘遲月亦吐東安穩得化城行旅忘忽忽桂
露晚香重石寒潭影空靜理悅幽獨炯炯生虛冲

桐城道中

折坂塗泥迫暮程翠微深處轉情生冷冷野水澗餘雨
得得好山天放晴大壑松高雲氣響澄江風細雁行輕
人生出處如何適隨意烟霞分外清

哭錢南園侍御

捧簡端衣聽漏遲精誠獨結主恩知生當邳治熙隆日

恐負丹宸耳目司江上青驄蛟蜃避湘中時雨杜蘭滋
玉樓待賦知何急報國猶凝徹骨思京華兩歲接清塵
把酒談詩氣益振世路盡嫌跣弛士惟君不棄慨慷人
一官江上臨岐別匹馬雲衢從扈巡可道先生成永訣
頽然猶認夢魂真

雨中望龍眠山

悠悠事行役寒雲凝江濱密雨隨風來濯我面上塵僕
夫因泥潦靡及愁駢駢行行陟高岫前山何嶙峋積霧
羃巖趾巖峰浮蒼垠疊嶂互出沒蒼翠紛鱗彬隱約見
龍眠雲中昂欲伸涓涓流水斯淅淅搖松筠豈不苦寒

冽耳目從清新南中早春麥生意萌畦畛野亭曠人跡
寒鳥鳴荒榛卽事遣愁寂薄宦從所因

道中感賦

楚水吳山渺萬重官程南北尙萍踪不嫌五斗從腰折
猶自雙親缺旨供雪嶺泥塗遲破露梅花驛使驛難逢
江干蕭瑟窮年意砧杵千家響暮春

說劍談詩倒巨樽除將結習耽猶存燕居今日輸梁諫
雌伏眞成愧趙溫驛路有情山過雨田家無次竹當門
蕭蕭行色孤村晚促鼻難同起謝墩

仕貧擊析尙相宜盤錯因隨利鈍施風月舊諳騎馬路

絃歌翻讓讀書時
雲生培塿霖何藉
水不江河潤可知
百鍊而今須繞指
難將身世問襟期

無端襍感靜中攢
茅店蕭疎夜渺漫
雲氣入窗燈半濕
溪聲伏枕夢禁寒
宦須勞力爭先易
事在宜人自揣難
前路好隨程近遠
聞雞休更等閒看

滁州山中

霜色散晴曉
凍鳥深樹鳴
寒空出山骨
流水清澗聲
田野人事稀
行役迫期程
忽忽故鄉感
歲暮難爲情

雪夜西橋步月

春風吹密雪
積素夜漫漫
斜月一天白
清輝萬壑寒
泉

聲冰漱石蕭寺竹平欄
崑崙元虛寂因知靜者觀

醉翁亭

幽亭山四面千古足風流
翁意不在酒民心相與遊
泉聲留竹石雪色老松楸
小酌清如此斯人不可求

歐梅

突兀留孤幹歐梅闡自春
幽花開豔雪清韻見伊人
山氣深含碧潭心淨寫真
辨香猶有意索笑倚霜筠

嘉慶元年元旦恭賦

丙辰

粵稽羲燧始亙古此元年
玉契新承詔瑤圖繼體乾
敬將臣庶寄祇受聖人前
太上淵謨穆休徵福祚延
憂心

仁共溥民隱念猶懸昭祀神祇肅臨雍禮樂宣來王日
出處拓地海西邊六十年宵旰三千界仔肩成功告列
祖錫命自皇天與子非私子推賢得象賢微危朝夕訓
作述義恩全禹啟依然禪唐虞直自傳百靈勳運會萬
國拜冠纓謨誥龍光炳廷墀羽衛鮮煙霏騰紫極劍佩
擁羣仙沛澤蠲徭賦新民滌眚愆臣工皆晉爵野老亦
賓筵萬有山河表雙瞻日月圓太和春蕩蕩永壽歲綿
綿風雨交三素豐穰遍八埏青陽乘木德五老動星躔
孝治光神化文明肇德元小臣膺簡拔一令荷陶甄惟
有岡陵祝重廣保定篇

龍興寺西院

林壑西南萃春庭攬碧雲
瑯山當檻曲澗水入城分
龍起湫邊兩人耕竹外雲坐來遲日靜花鳥亦忻忻

瑯琊溪

夾石盤孤徑泉聲步步聞
寺開龍馬帝松結翠華雲淮
海千峯碧江天一練分
偶來高頂上便欲却塵氛

庶子泉

庶子泉猶在澄涵淨綠醅
巖根盤窪石雲氣復蒼苔
幽鳥垂藤浴寒花入鏡開
不緣饑渴飲一酌滌塵埃

館寓月下

碧落過新雨清宵水鏡臨無人同此意與月得相深露
重花如雪庭虛竹覆陰惜春不成寐奈此惜春心

滁州西澗晚眺憶韋詩

繞郭寒烟暝泠泠澗水聲爲憐幽草上曾有玉仙行宿
雨苔痕淨春山樹杪平前人寄情處還起後人情

幽谷

歐亭十里萬花春春色蕭條剩野榛流水白雲山自碧
更無幽谷種花人

望瑯琊山

不盡看山與登樓客思催雪中騎馬路草色又青來

閒中

雨後軒窗絕點塵閒中滋味客中春看山不厭憑高檻
掩卷無端憶遠人頓爾小花開峭蒨可知良日恁因循
荒原誰放饑嘶馬翹首鹽車亦錦輪

紅梅

鐵石盤孤幹寧須渲染工深林一夜雪數點拆春紅豔
影清還冽澄潭映未空藐姑仙子醉頰頰倚東風

水仙

孤根依蘚石瘦影嫩寒生自葆無瑕白天然出水清暗
香春脈脈猜笑月盈盈仙子憐嬌小凌波更有情

雪後望全椒山憶韋左司詩

雪霽四山出蒼然兀嵒嶙三障皓不辨孤煙橫溪濱野
亭合深竹虛寂無纖塵念彼韋公詩山中如有人擾擾
征途間懷芳非彼倫一瓢風雨心太息古人淳

春雨

濛濛不覺雨亭皋夜來春積潤含青陽萬物如飲醇煙
霏羃林址隨風颺溪濱太和在天地時至相瀾綸小草
亦何知青青回畦畛

全椒道中

弱柳千條踈碧沙籃輿迢遞繞山斜寒烟野渡生芳草

細雨孤村溼杏花多事客愁縈世路等閒春色在天涯
年時落魄偏豪甚絃管燕臺笑語譁

峴關

桃花簇簇柳絲輕大峴迢迢小峴橫伍相祠前寒食雨
春山一片鷓鴣聲

居巢懷古四首

南巢誅放始處置亦良謀日尙天中在江仍禹甸流羈
臣悲五就口實啟千秋魏晉崇三恪私衷自盾矛
跨鶴嵩高去金庭鶴背還神仙何樂者所得是名山茶
滿吹笙處苔留鍊藥斑夕陽孤洞窈雲氣蒼松關

亞父三提袂興亡杯酒中可憐呼豎子猶自惜英雄死
免悲垓下生能阨沛公不因秦楚際誰識老村翁
吳魏爭凌日青山照水軍舳艫催四越風浪振三分靜
夜聞歌妓飄風落蓋雲須滿殘替塢應祀紫髯君

廬江道中

宿雨青含草籃輿曉靄侵春山隨水曲客路入花深嬌
嘲鶯藏柳輕翻鷺繞林桃源行處有應識古人心

夜雨

寒食江干路羈愁個怎除夢魂迷鶴拓風雨渡鳩舒花
事消春半名場識味初聞憐桃李豔多少上泥淤

桃花

弱柳平橋合晴煙萬縷長桃花照春水曉鏡出紅妝宿
雨含猶溼光風暖欲香遲遲愁客路回首復迴腸

客思

客思如春色春江春路遙楊花吹不盡裊裊萬千條

望天柱山

平沙煙樹簇長橋天柱三峯露碧霄玉葉片雲馳嶽雨
桃花千澗上江湖一官道路經春駛幾度名山入望遙
布襪青鞋真不易黃生清興自超超

泚水懷古

千里旌旗壓壽春，謝元搢掌竟無秦。可知百萬投鞭眾，
不及昂藏寶鬚人。兩晉河山存一戰，八公草木走靈神。
漢太傅真瀟灑，早辨蒼生賴此身。

大雨行簡李右帆刺史兼呈張竹軒潘蘭如

我來五月青苗枯，火雲熾熾翻日烏。馬毛焦灼渴泥滓，
行人望雨過農夫。陽倚陰伏遽叵測，雨來忽地傾江湖。
淋浪十日雷車疾，墨雲亂捲蛟龍趨。浙潮中夜聽高枕，
蘄簟六月如水壺。暑中得爽雖一快，下田禾黍寧支吾。
曲渦百里大河逼，昔曾隕決遭淤汙。譙州刺史灤陽李，
憂民惴惴愁疏虞。座中有客兩詩伯，前日示我握中珠。

泥濘斷行隔咫尺相思恍如山海隅望雨望晴坐瑣屑
靜中百感生羈孤兩楚盜賊負蟻穴我軍露宿民轉輸
昨聞賊火縱焚掠流離在野顛隳瀆我行於役苦留滯
渠渠廣廈猶嗟吁天心仁愛不可度洗兵往往風雨俱
安得龍母青驄振雨鬣直指賊巢雷電驅一洗兩楚妖
氛無

雨阻

一字于役馳皇皇小才下走誠相當江淮淞泗泥渦類
酈生注經如我詳人生功業何由起宦味苦澁愁初嘗
我與欲做人寧澤馬腹不及鞭雖長暑雨斷行聲浪浪

野館鎧昏夢故鄉

梅心驛晚坐

僕僕塵泥暑半徂
閱來世路耐縈紆
馬曹堪笑不知馬
珠櫝難逢真索珠
而地火雲殘雨過
一椽涼月四山孤
莫辭匏繫還成用
搗厲無心也自娛

七夕禠事七首

翩翩元鶴下高高
一曲鸞笙斷續風
多少仙才齊仰首
可能上接浮邱公

縹山

桃花歲歲憶瑤池
青鳥西來翠轡遲
臣朔可憐餓欲死
還須阿母始如兒

青瑣

狡獪仙姑笑語頻，纖纖指爪竟難親。等閒滄海桑田事，

老却人間鍊骨人。

麻姑

免俗真嫌戾俗多，仲容才器奈貧何。長竿犢鼻清狂甚，

畢竟人間愛綺羅。

犢鼻褌

境笑迂疎學蠹魚，光芒萬丈解衣初。投公千里叅蠻府，

便腹何須有笥書。

晒腹

玉殿深宵促黛蛾，君王無計奈情何。雙星也自傷離別，

那管人間愛戀多。

長生殿

天孫好語報嘉祥，板蕩功名百鍊鋼。大富貴來還壽考，

千秋幾個郭汾陽。

郭汾陽

讀書

刺船當趁風，灌園須趁雨。人生貴適意，遠近隨所取。翰
通典，冬裘索米計，庾益飾美匱。乏中內顧愧，仰俯平生
讀書懷。廣廈庇寒苦，一身愁饑餓。所志將何補，草虫鳴
呦呦。皎月半環堵，賴此殘簡編。忘懷專稽古，夜氣空人
心。往昔在衡宇，結習忽復萌。挑燈自栩栩。

江干送鄉人歸

風雨山城晚，孤帆挂水濱。別離無限意，萬里故鄉人。

迎江寺東堂

空堂花氣碧，雲和樹杪斜。陽渡遠波山，意深秋稜角出。

黑卷八言金卷二
江流曲處委蛇多安心無地從僧覓破浪乘風羨客過
坐久塔鈴頻自語靜中消息勝愁魔

聽雨

濕霧霏微覆燭煙薄醒消盡耐愁眠故園花好秋愁倩
寒雨聲殘夢渺綿心事未能輕墨組韶華容易老江天
關山萬里雙垂白悵望雲鴻已五年

重九前雨中

鯉魚風信迫芳朝水國樓遲倍寂寥涼雨一天摧木葉
秋聲半夜起江潮家山入夢雲猶溼宦海經年鬢自凋
明日登高何處好愁腸須倩酒杯澆

送客

心事渺無際，偏從送別生。秋風不解意，催客挂帆行。

對雨

嘗日厭車馬，惜此間中情。開簾坐疏雨，斗室有餘清。蒼苔蔚蔥蒨，寒葉鳴琤琤。燦燦東籬花，移根竭菁英。幽獨易爲感，撫時觀我生。靜理庶可識，憧憧慚所撻。

汲江行

汲江引銀瓶，中有故鄉水。水味似故鄉，故鄉五千里。前日大江北，今日大江南。江上何所有，青山夾雲嵐。長檣駕連舳，一夜汀洲宿。歸夢越波濤，門前芳草綠。芳草春

復春腸斷倚樓人紅顏餘幾許眉黛舊時顰風吹崖邊
樹斜月墮江霧良會不分明猶聞話縑素亂亂曉柳聲
驚心問早程葦花落秋渚遙見皖公城城中車服好宦
勞人草草宦遊何時歸澄江照人老

大雪郊迎朱大中丞卽事

丁巳

江波疊雲雲湍急三日濛濛暗平隰大龍山雪揚風來
江外孤峰森玉立江沙細草冬不凋亂擁瓊花翠複疊
大觀亭子琪樹中縹緲瑤臺銀海合我來手板迎長官
未覺泥塗妨拜揖隨車有雪應勝雨豐年已兆民心洽
天工人事忻相資豈直江山清賞愜鶴筆行吟興各殊

哦詩自笑成結習

南園錢丈樞船過皖

蘭臺重到甫經秋孤幼蕭條萬里愁
懷抱如君多少事搖搖丹旆一孤舟

隨朱大中丞鳳泗各邑放賑桐城道中感賦

斂衽就行役行行逾歲年茲役倍勞劇
所樂從大賢淮泗夏淫雨洪潦沒秋田
中丞布

皇仁星駕行式遄胞與念民瘼急疾爲解懸
告誡晰矩則多方求安全從事忝負荷
何以資承宣嚴冬雪初霽風日開澄鮮
寒山淨如拭裊裊縈村烟野人田事息
炎

背疏籬邊卽此得民性一飽百憂蠲牧芻可藉手利濟
亦云便感茲慰勞瘁庶以竭駑庸

盱眙義帝故都

良謀資亞父草草定君臣復楚興難再亡秦怨竟伸虫
沙餘舊壘塵劫問湖濱寒鳥啼深樹無端感路人

女山湖夜行

激楫星浮渡寒鼉吼報更湖水生夜白烟樹入山平獨
火漁歸遠空臯鶴唳清風霜成夙慣况爾急公行

建德卽事

萬壑參差繞畫城放衙人靜早柳聲泉香碧茗烹新採

山對虛簷見遠耕春氣輕柔鷹羽化月華清冷蚌胎盈
一官尙有書生樂不礙吟哦曳履行

朵頤爭啖了無休情僞紛紛費擊杯有粟何年如水火
操刀一樣怯鷄牛靜中得失存無礙空際雲烟過不留
花影日斜胥吏退涼風吹動碧簾鉤

百疊回環山氣清深山淳朴亦天成馬牛竟有風相及
蠻觸難教角不爭住相布施猶是法無邊滅度准平情
莊生齊物真瀟灑此意終非物自評

楚黔馳檄報軍興偃仰山城慷慨增識字不關憂患始
須才何用簿書能蟻如牛鬪聽爲累虵爲夔憐冗自矜

一邑一官堪養拙眼前晴雨祝豐登

雨後山村絕點塵高原讀法亦清新閭閻氣象場登麥
舟楫喧填水到津我自未嫻柔馬灣人皆爭聽宰官身
君平卜肆開簾坐何似今朝百里民

南華蝴蝶等逍遙曲檻高凭暑氣消山郭過雲成海市
官齋宜夏似冰條清來泉響迴風竹穠壓簾波細雨蕉
靜裏天機堪領取未妨心跡在塵囂

止水乘風自起波物情端不耐煩苛摧林應念亡猿小
求牧何堪害馬多悟後清虛懷老氏病中消息耿維摩
彈丸也覺偏勞攘那得琴樽任嘯歌

亭午猶餘夏日炎夏禪坐久始清恬
谷聲四響雲旋樹
秋氣中宵雨到簾
途次化城心自得
吏中真隱古難兼
他方水旱還戎馬
蕞爾貧疲未可嫌

孔相國雲石

孔相亭臺接翠微
當年雲石鎖林扉
出山一縷橫空立
結頂雙峯挾雨飛
檻外綠池荒草合
巖邊老樹蔓蘿肥
丹忱猶托貞珉在
淚點瑩瑩化薜衣

梅聖俞亭

枳棘鸞鳳暫此停
鮎魚綠竹巧相形
工詩未礙窮爲吏
種樹猶憐舊有亭
萬壑晶瑩天際落
千峰出沒雨中青

遺篇不負佳山水愧我謏謏坐訟庭

謁鄭冢宰畫像

抗疏淋漓扶禍胎寸心直欲挽天回
紆籌未竟當時策舉士全收一代才
歸路徬徨宗社促深山消息兩風哀
影菴遺像水顏古零落詩篇在草萊

草坑倪行人祠

火起宮中帝遠投史官疑案已難求
悲春杜宇啼空切吞月蛟龍瞰未休
邂逅君臣應恍惚蒼茫林壑耐羈留
幽忠合竝金焦傳烟雨荒祠萬古愁

後河山中

雨後雲開小徑斜
籃輿清靄透輕紗
厭多驪從驚啼鳥
期取軍拵浸野花
一石一松皆古意
半山半水到人家
此成便是神仙吏
伐竹何須羨永嘉

民事詩

高山種作田朝朝
酸崖石一生不荷鋤
山下連阡陌
有田種菸草饑來當
奈何將菸持比稻道
是得錢多
采茶不滿筐貴是
雨前采雨後得
茶多人言香味改
種漆畦隴間豆麥
猶半佃老農事機
巧粟貴漆亦賤
年年種棉花一身
尚藍縷家有少稻
田望晴復望雨

得李懷度死事書

蕭蕭江雨鳴秋風渡江老卒書忽忽將軍戰死黔山東
六月廿四摧賊鋒重圍直入追渠岸巖巖百丈臨奔瀧
短兵下馬爭擊撞桓桓大帥墮莽戎將軍怒援鉞交胸
男兒血戰爲鬼雄壯士七十同一忠前月尺書發荆庸
裏瘡報我賊勢窮皇恩計日褒崇功三峽迢迢流巴江
可憐馬革來輕艘

雜興

太虛眞絕片雲侵清警難教就錦衾皎月寒森山氣白
晚花香透畫簾深靜憐獨鶴雲霄夢耐可幽蟲斷續吟
二十年來同泛梗底回形影自荆心

授衣風信報初寒。時序蕭疏柏葉丹。心化難憑三月效。
堂開不耐七絲彈。快逢南菊成秋興。未厭青山向晚看。
薄俸素餐家萬里。伐檀眞自愧河干。

聞戴崧雲同年攝宰漢水上一邑感懷賦寄

長江一千里。書來常苦遲。頃始聞人說。君宰漢水湄。又
不識何邑。西望雲迷離。楚地復告警。賊擾興山陲。走險
肆豕突。堵剿嚴藩籬。君昔在襄陽。勞績著守陴。磨盾寄
我書。整暇無急詞。談兵氣才倍。毅然不言疲。今茲百里
民。寄命得相資。賊來爲守禦。賊潰爲撫綏。豈徒暫棲息。
功業良此時。桓桓李懷度。血戰死患施。了生一裨將。馬

重歸峴崎憶昔共度夏三載同京師風雨深夜話花月
弄春嬉交遊一分手各在天一涯人事苦難定感舊多
所悲自我來皖水二年南北馳碌碌下僚中裘敝馬亦
羸建德偶承乏春暮蒞職司小邑萬山窅簡陋容我癡
廉捲眾峰入吏散山鳥窺雲起訟庭樹泉響洗墨池公
餘繞石吟兀兀忘暮饑富貴知有數清景且自怡何幸
六月始家君忽來茲違離五載餘霜雪滿鬢髭黔苗亂
倉卒羽檄梗通達迂途出深阻孱然幼弟隨五溪歷蕭
條瘴雨日淋漓五月過洞庭南風恣意吹火雲下鑠地
居人猶攢眉平安萬里道回首驚險巖薄祿不及家累

親亦旅羈感此重自勵思歸非所宜努力在下位巧拙
焉敢知瓜期將見代需次隨所之君今際事會期君竹
帛垂尺書可時寄慰我遙相思

芙蓉

羣芳零落獨開遲嬈嬈霜風竹外枝好是天然清豔絕
苧蘿秋水浣西施

九日

爛漫山城野菊花西風吹酒動流霞一年一處忻逢九
江北江南總憶家紫蟹白魚來水斲碧雲紅樹渺天涯
佳遊似此曾難得梅老亭邊夕照斜

聽雨

前路遲遲泥遠行
迷離幽夢聞愁生
輕霜不翦殘紅葉
聽徹寒宵密雨聲

讀東坡熙寧七年諸詩有感

勞生強半笑萍踪
坡老詩篇得味濃
堪信去來今頃刻
眞成三十九龍鍾
江風淮雨經初慣
紅葉青山看未慵
如此頭顱應可識
不妨到處只從容

出建德道中

籃輿餘醉尙沉沉
落木寒溪送遠音
夢裏鹿蕉猶有跡
池頭雁影兩無心
多情黔首臨歧路
豁眼青山隔暮林

最是來時好風景啼鶯不斷亂花深

江樓

倚遍江樓別有情三年梗泛一官輕
仙人謾說蓬萊淺皖口新看洲渚生
雲外蓬龍塞似螿汶邊鳴雁暮還征
思鄉感舊兼懷古華髮來朝又幾莖

出差太湖雪中遡行三首

大觀亭上雪客歲亦斯時執板迎官肅
看山帶我痴年華移頃刻天地足清奇
更好今朝路林巒渡演迤三日長江雪
江雲萬頃連沙平香草路人渡散花天
野艇依林靜茅簷覆竹偏風塵常日眯
放眼一超然

天柱峰頭雪隨風飄客衣晴雲散高樹萬壑生清輝行
役不知晚居人相見稀自非銜使急那得款山扉

望三祖山雪

雪花三日撲塵顏欲禮禪宗未許攀萬壑千峰齊浩渺
不知何處粲公山

二喬宅雪

欲落不落雪花輕月華出水搖空明二喬宅畔敲斜竹
夜靜時時聞珮聲

人日迎江寺宴集

戊午

江上頻年看水生一年此日最關情兼旬泥濘春無賴

小集瑤天雪正晴窗岫半浮雲外白塔鈴不斷靜中聲
興來恰好簪花勝折得寒梅噴玉英

雨中地藏菴宴集

管絃聲細竹風斜高閣雲生玉井沙遠踏新泥憐碧草
趁將疎雨看梅花觴催羯鼓擗中點春透歌兒臉上霞
佳會最難逢暇日莫嫌林外已歸鴉

喜晴

輿馬泥塗厭積陰新晴簷鳥變歡音曲欄花蘂含春滿
小苑苔痕駐雪深守拙自來成懶事避喧俄頃亦澄心
典衣便得朝餐早蒿筍芹芽爽不禁

習靜

習靜方知學道遲
香烟簾影動參差
風情最是尙難盡
詠得梅花憶雪兒

練潭道中

傍石穿雲竹樹斜
籃輿暖翠溼輕紗
閒閒野艇偎芳草
曲曲青山侵水涯
小飲興濃茅店雨
春愁紅惜路泥花
良晨幾許棲遲裏
何似游行玩物華

白雲篇

白沙嶺雨後望雲作

南山北山飛白雲
半晴半雨溼不分
亂觸石根搖玉葉
鋪來銀海作波紋
嶺上老松千萬樹
蛟螭騰拏紛爛霧

須臾長風失鬣華，滴瀝清聲墮珠露。浮山何峩峩，白雲
忽在浮山阿。三十六峰互出沒，點點青尖盤髻螺。龍眠
莊前飛又起，畫圖脫手龍眠李。應知塵裏苦勞形，何似
雲間靜隱几。我來三日冒雨行，塗泥薄宦一身輕。雨中
春色山如笑，雨後白雲眼更清。平生自錮烟霞疾，一別
山靈兩蕭瑟。霖雨猶思濟旱能，白雲已謬無心出。出山
在山誰是非，舒卷還須順化機。江山處處資春澤，絕羨
春雲隨意飛。

梅心驛

細雨梅心驛，新篔竹葉春。山花開自媚，巢燕舊相因。道

路催華髮詩書拙奮身不辭征賦役籌餉濟西隣

盱眙楚姑祠

義帝都盱眙尋復死遷彬漢兵縞素起聲罪義凜森生
當羣雄間賢智何由任亡秦在三戶師旅實憑臨峩峩
都梁山荒祠倚芳林云實帝女墓痛父從自沉野人薦
蘋藻楚些揚哀音此事不可知可用知人心

游第一山玻璃泉觀宋遼人題名感賦

長淮浩無際連山相幹旋茲山實第一嘉錫由米顛宋
人汴口來罕見固宜然塵沙昧通衢豁眼驚澄鮮磊磊
山上石噴灑玻璃泉竹木翳修崖縹緲生雲煙臺榭列

參差繞榻浮漪漣酌泉清肺肝頃刻俗慮蠲我游半天
下山水窮精研筮仕困塗泥得此忽欲仙以我今日心
忖伊游者賢何能吝褒獎歌詠酬清妍南宋昔頽靡割
地此疆邊金帛買和議列庫青山巔輸納渡淮水苛覈
惟所便行人忍饑待風雨愁遷延山下一水隔苦樂天
壤懸信使數來往車馬紛聯翩上客愛清景山半開瓊
筵悉索供煩費民力爲痛痛歌笑快豪興風流誇後先
一一崖壁上比例姓名鐫美惡雜薰蕕短語兼長篇但
恐刻未工久久泯弗傳翻使名賢蹟鏟刮無由全莓苔
爲剝落松桂爲棄捐山靈坐浩歎雲鶴愁喧闐應罪米

老輩多事開其前至今辨遺字強半紹熙年謀國無善
策災及山石堅盱眙今小邑僻陋阻重淵靈塔已淪沒
長橋亦改遷游客不嘗至磴道羅芳荃以茲念世事盈
虛誠往還清淨萬物性善者全其天我性苦多感憂樂
迭相纏徘徊坐巖石僕夫饑腸煎安得故山歸採藥弄
潺湲

行杏崖館梨花林中

春山淺草盤幽蹊雪花汎灑攢芳梨杏崖荒亭翠烟暝
瑤林亂落飛山雞我行被花惱不徹花更爲雨愁淒迷
晚香漠漠衣暗溼春風萬片隨馬蹄

都梁

都梁山下路臨水採都梁細雨山花落溪流渾是香

浮山堰

浮山蹲淮流有似山浮水照影靜漣漪翠洞翳藤蘿夏
漲四瀾漫洞口上如徙山浮或不誣誰能究此理梁魏
昔構兵築堰互九里謀國聽降虜木石連天起倒流灌
壽陽禍人亦禍己哀哉億萬人堰隕隨波靡維時兆星
變天江爲犯干風雷裂地起激浪搖曠岼水妖百千狀
馳驟揚奔湍天吳雜象罔魁岸兼蹻跚應知幽遐處靈
怪資者寬流水得其性蠢焉羣相安一旦遭困閉挺走

肆無端物理順可得穿鑿良獨難禹功千萬載利賴此
安瀾

汴河故道

隋帝長堤汴水濱錦帆士女恨難泯野人亂種荒灘柳
裊裊風花也自春

聞軍營信賊匪由蜀漢竄近西安

兩載妖氛蜀道難游魂窮蹙近西安平原獸已無嗚負
下臂鷹須縱爪搏斜谷雲煙防出汲終南松桂護摧殘
諸軍別攻圍守一鼓成擒始卸鞍

立夏日靈璧雨中行

江上初看碧草新
行行綠遍泗淮濱
落花飛絮冥濛雨
臨水登高斷送春
曹北河流猶漫野
川東妖燼尙揚塵
肩輿兀兀閒成睡
一令功名豈奮身

虞姬墓

花落虞姬墓山青項羽營
興亡已陳跡過客自愁生

宿州扶疏亭

徐州黃樓截奔洪
蘇公妙用土勝水
宿州城頭扶疎亭
多事閒情爲公起
作詩作畫亦偶然
碧瓦紅欄爛霞綺
我來于役愁炎蒸
亭上涼風動隱几
有亭可登寧爲公
每到懷公愁不已
一竹遣人重如斯
一生勁節遭讒毀

愛公憎公等浮雲憐公進退成泰否放鶴亭高雲龍深
政餘樂事窮登臨清風感人無近遠相山百里連遙岑
朝看相山雲暮看相山雨平野天垂綠樹齊荒堤水碧
睢河古登高望遠心悠然守牧風流對衡宇黃河遷流
汴泗更此亭尚與黃樓并何舒等輩竟何有人生得失
誰重輕衙鼓隆隆月東出逕須暢飲瑤臺清

奉差搜查蝻子江亭夜獨坐

驚濤陣馬響長空木葉虫聲萬竅同社鼓村村祈旱雨
塔鈴夜夜語顛風赤雲烟燄秋庚後太白光芒并絡中
并與愁人成不寐蒼茫斜月大江東

雨後望華亭上作

挂帆梅根浦苦憶九華峰今日翠微裏雲飛不辨松津
亭過疏雨天半落芙蓉了了青崖曲神仙或可逢

琴溪

密竹深無際潺湲碧玉寒蒼崖敲一角仙洞倚空壇錦
石纖鱗集枯松獨鶴盤雨聲林谷應淒絕玉琴彈

溪雨晚歸

細雨涇溪路烟波共邈迤亂山分嶂遠深竹渡雲遲薄
宦隨緣適佳遊得此奇鐘聲水西寺暝野聽迷離

由涇赴潁道中措費解嘲

靖節粗疏仕不宜看花容易別東籬絃歌便可謀三徑
那得先生乞食詩

九月十日黃水至倪邱

溽聲一夜曲渦西南浦東那已被堤亂梗濼洞空巷寂
炊煙零落綠楊低野人競食黃河鯉使者誰沉灌口犀
昨日到官昨日水不關窮陋在羣黎

查災

方軌平原急溯洄板扉木甑盡舟材鶩鶩應是時行鳥
纔有波瀾便解來

案頭

案頭詞牘襍新陳鞭撲喧呼闌自鬪可奈驅雞柔馬意
難馴佩犢帶牛人過流已費多隄障止沸終宜去釜薪
尊食星言愁日拙羨他絃誦化如神

新正赴省

已未

新晴慰啟行車蓋轉風光深樹明殘雪春流漲小黃障
泥驄自惜雲翼雁爭揚時物忻忻意相娛道路長

正陽關人日

濛濛老柳鬱晴烟人日遊人集畫船七十二河春雪霽
鎮淮樓下水如天

安豐潭東曉行

晴日破朝霧空濛時有無野潭融雪淨老樹入春蘇宦
味見行路道心生倦軀殷勤百年內此意共與夫

江漲

漲流滾滾拍天來江上青山夾岫開雪泮李冰降蹇處
波吞漢武射蛟臺四年舟楫勞儲運三峽烽煙憶將才
羨煞老漁無個慮一簑春雨掉船回

出皖

皖城勝事擬追尋饒邑關情思不禁山色依稀當路晚
江天強半是春陰寒餘紫陌花猶斂綠動香籬水漸深
淮上雪霜桐霍雨光風苒苒鬢華侵

霍邱道上

春鴉聒曉羣晴意黯難分水滿長淮雨風狂大別雲斷
山綜六夢野土雜泥墳獨羨安豐董漁樵向此勤

泛潁

潁流清應太平時古語徵來信有之小吏憂愉堪一笑
自凭蘭槳看鬚眉

行縣感賦

苗麥茫茫穡事閒偏緣強悍是癩癩非長大亦好刀劍
私戰鬪如爭觸蠻長河沙淖能淤石沃土雲嵐不藉山
一樣春來鷹鷂化好音清婉遍林間

古堆集勘明河堤工歸雨中宿馬明經書室

來往亦無次清談不暇聆花時今雨驟草色古堆青溝
潏潏難復河澤患已經舉杯消眾慮春水聽泠泠

瓶芍藥

深院簾櫳月上遲小瓶芍藥放新枝花香人語朦朧夢
猶認風前詭贈詩

南鄉夜歸

遲月起平林斜光到水潏紅塵酒靜夜人語亦清音軟
掌知何極田園思不禁倦懷醒薄爽露冷欲星沉

北鄉小付涼意

鶯聲飛不定茅舍隔烟蘿露果垂深葉風潭折小荷地
偏堪俗儉政拙仰時和野老勞將茗浮涼愛綠莎

寂坐

盡日寂無事年來得未逢捲簾當樹綠疊石起苔濃細
雨低飛燕疏花晚抱蜂檢書堪一笑脉望已成踪

西軒獨酌

想靡矜豪足侑觴熱中消後暑俱忘蒼苔亂落桐飛絮
搖漾風簾雪影涼

種竹

雨聲翳竹石花紫青鸞尾垂珠藻漢移竹竹醉雨不止

老胥滿頭笑宰凝清陰滿地瓜期矣

夜坐

人靜淨涼動門庭溼露華綠陰深墮月夜氣闌滋花穠
事看成笑禪心得慣跏乳鴉棲息穩夢語自呀呀

護鳩

鳩拙不營巢哺雛在堂宇殷勤與護視爲我喚晴雨

放魚

汲水石池滿昔衣凍碧腴金鱗一二寸相忘卽江湖

己未七夕

滿城簫管拜仙鬢彈指年華鬢有斑望澈星橋終恍忽

銀河西盡是鄉關

劉玉山廣文催錢糧過太和

相望共清潁懷思遲溯洄時因此行役暫得一銜杯夜
露鳴虫急林風挾雨來所嗟財賦竭辛苦爲相催

八月十六憶去年涇縣泛舟之遊

客歲涇川宰秋風引畫船桃花潭水上高詠李青蓮火
檝移清潁黃流沒稼田朝朝催鬻改倏忽又經年

稅子舖泛舟回

野僻足林莽輿行碍日旰歸途泛長潁行適亦佳歌高
岸如連山突兀倚雲半古木出根盤弱竹被璀璨急峽

閉回灣開流忽汗漫去帆揚西風迂斜避叢耕汀草秋
更綠水禽靜相喚蕎花秀坡雪豈籬圍錦幔浣女臨柴
門飲牛帶耕畔沃土富魚鼈原田暗滋耕此地實汝墳
民風何暴悍茲水實大川濠谷未云換漲雨起嵩高濠
洧下方渙不溢亦不竭廉折復浩瀚得潁意甚奇蘇公
豈謬贊我遊正秋霽流霞晚如鍛皎鏡瑩心神鬚眉了
可看愛水不時遊坐衙困揮汗蘇癡詎得擬微官慨塗
炭舊聞茲水異清濁應治亂所愛澄漪漣憂虞坐消散
孫榆街謫邊放歸來遊江淮滯留潁水上今始還

家贈別

潁岍秋林淨碧天家山萬里送君還玉門生入心猶壯
珥水春遊人是仙堂上屠蘇開色笑機中錦字憶纏綿
十年我亦思鄉久把盞臨風意黯然

人事升沉未足嗟還家樂事妙無涯味回世路辛甘苦
生受名山雪月花五載風塵成我老一囊詩草羨君葩
相期羊苜咩城外桑柘相隣十畝家

架豆

結棚架豆蔓豆花紅陸離涼風落秋實珍重故園思

壘石

遠懷邱壑意拋土墓山影沙礪斲如雲餘澗含清潏

蒹菊

種菊滿廳事幽懷自傾寫爲憐東籬花不似東籬下

重九夜雨

年華又重九鄉信阻江關獨坐涼生雨秋懷黯夢山

下聶湖曉行

烟消月半沉野露溼塵襟寒柳曉眠重空潭天映深籬
花疏抱蔓水鳥寂無心野老初開戶笑茲車馬音

界首集夜行

窾窾馬蹄葉迂回傍小河繁星耿疏樹淡月激微波寒
野人聲寂勞生道路多不知今日宰何處有弦歌

泉河晚眺

西風吹雪響兼葭
立馬關河落日斜
煙水渺茫鴻雁杳
無邊黃葉是天涯

沙河紅葉

細條絡崩崖
沙水淨如澱
老木葉不凋
風吹紅簌簌
野渡晚無人
對茲孤鷺宿

艾亭集村店

海上仙山落綵幢
耳邊飛浪洒蘭茝
夢回却在淮西路
阜土風霾葉打窗

方家集喜雨

前日祈雨得雨微今日得雨不須祈遙天渺邈見紫邏
碧雲一縷凝不飛忽忽嵐霧動平野萬點已隨青蓋歸
疏林霜葉間紅紫高低出沒纏烟霏夾路野菊浣塵土
亂布黃金繞村扉村邊鞭牛聲吐吐雨中漸覺呵聲稀
晚麥初冬種可而入夜一犁今庶幾字人無術賴豐歲
一雨立回百具腓嗟我小邑困鞅寧比隣見役增煩猷
輿中聽雨一清快蕭森竹徑交蘆碣輿徒况瘁僕馬溼
茅簷村酒相療饑山中故人憶剪燭有田不歸笑爾非

雙河口晚憩

潁水寒初淨輕橈亂錦紋路深黃葉塢風颭白鷗羣野

色低含雨殘霞駁透雲孤村蕭寺寂小憩亦清芬

曉過西湖

僕僕籃輿曉夢回歐蘇亭榭隱林隈斷堤日上荒煙白
倒影雲過老封開野興未嫌行役迫湖天猶耐得人來
風光樂事俱成古羨絕星堂一代才

蒙城西鄉

平野四無垠黃茅雜莽榛斷橋常日水枯樹幾家人小
邑偏多訟同風實比隣微官在泥淖敢憚路艱辛

自蒙城歸

盡日排愚詐歸途薄夜氛履稀稍已慣蕉鹿強難分大

澤陰生雨空林響咽雲渚鴻驚燭火瞭喉起征羣

義門集喜雪

攘攘愁茲役微風雪竟成紛霏能盡日虛寂轉閒情野
樹黏天白冰河放掌平人心歸厥曠應悔觸蠻爭

喜雨

寒意中宵斂絲絲雨細生暗雲鏡外溼新響竹間清人
氣春田靜河流淺瀨平湔裙宜詰日臨水看朝耕

聽雪

潁水繁霜滿鬢生春來鄉思倍關情青山隱隱梅花夢
斷向風簷夜雪聲

花朝雨

中庭碧水漲方池九十春光半已馳
雨意峭寒中酒後花朝淒切憶人時
低回晚樹鶯聲幻隱約紅心蕙草遲
往事疏狂屬年少思量苦樂闌情知